

太平天国战纪

太平天國紀

太平天國戰紀序

洪氏以匹夫起兵播蕩天下之太平垂  
二十年其間可紀者多矣而事蹟闕然  
徵之紀載類皆耀清室之武功蓋采諸  
官書且大難削平亦頌德之常例也忠  
王李秀成供詞數萬言曲折備具然多  
經當時改竄去其觸犯及短官軍者舍  
此更無足重焉夫果摧枯拉朽不足抗  
天討則何為相拒十數年竭天下之力

僅乃平之然南不足徵則來者何述王  
闓運湘軍志於曾氏多貶詞尚有燬其  
書者況臣於洪氏者之記述乎今已易  
代無復忌諱宜若有信史出焉特無成  
本據依則蒐采費時且難徵信永卅楊  
時百宗稷以韋以咸所撰天國志相授  
以咸為北王韋昌輝嫡子昌輝敗以咸  
逃之皖之宣城迄金陵傾覆忍痛親述  
秘之鉄函比於心史其志可哀而其事可

據傳之其子師洛之手今師洛出以示  
人其述太平天國事皆直筆至詳備庶  
乎足以備史材矣然詞繁猥而不文慮  
不足以行遠辜作者傳信之盛心若僅  
取一鱗則豈可惜乃奮發自撰述盡取  
其事蹟而行以吾之文詞削其事之繁  
碎存者猶十之八九焉文減數千言而  
事則既詳核矣易名曰太平天國戰紀  
蓋太平天國為一名詞曰戰紀者始終

皆述戰事蓋紀實也或疑載筆者爲昌  
輝之嫡子何於昌輝顯暴其惡不留餘  
地吾亦以是致疑或者推心於國亡乃  
不忍於曲筆羽淵抱痛遵海無方遂忍  
而出此耶吾但求洪氏之信史是矣持  
前人所記據其爲傍書爲信史非所  
敢斷並存焉尚足以資考証亦大雅所  
樂聞也文成匆遽未暇取舊記互校之  
時地人名慮不無舛誤或期諸達者或

侯之異時更理正之  
癸丑十一月順德  
羅惇融并志

太平天國戰紀

順德羅惇勳著

洪秀全起兵粵西先與中表馮雲山共  
說楊秀清秀清約其妹夫蕭朝貴同說  
鄉紳韋昌輝昌輝偕行說富人石達開  
六人共誓生死立會召衆勢甚盛時水  
寇羅大綱有衆千餘人掠永安州敗遇  
胡以光秀全在焉以光勸歸秀全官捕  
秀全急乃起兵於桂平之金田村時道

光二十九年某月也張嘉祥方爲盜魁  
造香金語不合去掠潯州據焉廣西提  
督向榮都統烏蘭泰賽尚阿方擊嘉祥  
未暇及香金香金衆益盛嘉祥敗降向  
榮改名國樑授師擊香金屢敗永安陷  
焉香金稱天王而楊秀清蕭朝貴馮雲  
山韋昌輝稱東西南北四王石達開稱  
翼王烏蘭泰等軍圍之數重羅大綱突  
圍出烏蘭泰逐之敗歿大綱假烏軍旗

賺桂林守軍誤誤不得入攻月餘退臨  
興安縣屠全州道州舉人胡孝先渴秀  
全永安疑為謀繫之孝先於獄草檄數  
千言暴清廷惡甚至秀全方求文士得  
孝先檄大喜釋之與論大計孝先曰國  
中天府之國周秦之所以興欲爭天下  
必先取咸陽然後出山右定燕薊天下  
可傳檄定也秀全置諸左右寵甚至秀  
清忌之值退兵永安殺諸道以陷敵聞

秀全甚悼焉

秀全移全州軍攻長沙未至南王馮雲  
山陣歿秀全哭之慟曰天不欲吾定天下  
耶何奪吾良輔之速也雲山能謀善斷  
多所規畫秀全深倚之雲山歿移攻道  
州臨江集永以五王皆壁郴州茶陵蕭  
朝貴率李開芳林鳳祥攻長沙江督陸  
建法師潰朝貴軍壓城而陣黃袍立城  
下中彈歿秀全哀慟自率全師逼長沙

三月不下向榮賓尚阿自外圍之急食  
幾晝夜造浮橋渡江逸去陷益陽獲民  
船千餘艘渡洞庭湖陷岳州拔漢陽武  
昌中原大震初秀在議取常德趨漢中  
襲咸陽出山左以規燕薊從胡孝先之遺  
策比陷武漢乃命石達開將羅大綱李  
開芳林鳳祥取蘄黃順流陷九江安慶  
皆唾手下秀在欲棄安慶九江出襄樊  
通潼關以取長安括財賦入武漢又慮

載重紆緩為清軍逼潼關堅不易拔乃  
仍順流圖金陵陸建法棄師遁城攻乜  
日而下時咸豐二年二月也建法看金  
死秀全欲趨江北圖汴定都洛陽渡黃  
河以困燕都或進言以祖亦席金陵以  
有天下宜先建國畀天下知趨向秀全  
納之群下上尊號改金陵為天京改元  
太平天國柴燎上帝大赦妻賴氏為皇  
后子直福為太子設六官主學校進秀

清為左輔正軍師東王錄尚書事昌輝  
為副軍師北王石達開為前軍主持翼  
王胡以光為春官正丞相兼平東將軍  
羅大綱為冬官正丞相兼平西將軍賴  
漢英為夏官正丞相兼盪寇將軍李甫  
芳為地官正丞相兼平北將軍林鳳祥  
為天官正丞相兼平南將軍餘文武封  
賞有差庸科取士試者二萬餘人狀元  
王弼軍制每軍一軍帥統五師帥一師

帥統五旅帥一旅帥統五百長一百長  
統十司馬萬二千五百人爲一軍李玉  
成李世賢林紹璋林啟容白輝懷各統  
一軍軍帥上有監軍總制將軍指揮檢  
點丞相丞相爲一品下至旅帥皆武職  
縣爲令卅爲牧府爲太守外有文武將  
帥各一文方伯武主將佐將副之  
韋志俊臨大冶陳玉成方爲糧官清軍  
逐志俊急玉成率糧卒助戰因勝焉

志俊嘉其能分兵授之屢捷遂爲大將  
羅大綱將本部掠京口揚州天長六合  
進攻廬州胡以光以本部出和州含山  
巢邑與大綱會遂拔廬州合師攻英霍  
黃梅皆下之大綱渡江攻克潯陽林啟  
客留守上掠彭澤以達武昌以光攻克  
黃州下漢陽韋志俊留守林紹璋沂流  
取巴陵渡洞庭攻湘潭敗焉削職居武  
昌大綱以光屯鄂石達開出無乃廬江

舒城據六安下桐城遂破安慶賴漢英  
取句容溧水太平蕪湖繁昌南陵池州  
楊宜清輔清出溧陽破廣德徽州黃文  
金留守古隆賢賴文鴻破宣城甯國銅  
陵咸豐四年甲寅二月達開使漢英攻  
豫章所遇湖口吳城皆下達開掠撫州  
饒州廣信建昌寧都並下十三州惟吉  
贛未破合攻豫章久不下曾國藩來援  
漢英退國藩逐之收吳城湖口國藩逼